

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola:

05-1-25-1-2240-26/25

JAVNO

DATUM: 09.01.2026. god.**PRIMALAC:** MIGROS d.o.o. Sarajevo**PREDMET:** Obavijest o izboru ponuđača u postupku nabavke robe: Headset slušalice i oprema za komunikaciju sa posadom zrakoplova**VEZA:** 2240/25

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku robe: Headset slušalice i oprema za komunikaciju sa posadom zrakoplova, provedenu metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača: MIGROS d.o.o. Sarajevo.

S poštovanjem,

v.d. DIREKTOR-a

Amadeo Mandić

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. Sektoru za IKT
5. a/a

DOP PR 06-00 03 01 Dopis, 1/Izdavanje/Rev 0



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/



UPRAVA

Strana: 1 od 1

Broj protokola:

05-1-25-1-2240-25/25

JAVNO

Datum: 08.01.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 55/22 i 50/24), a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, te na osnovu člana 45. Statuta J.P. Međunarodni aerodrom „SARAJEVO“ d.o.o. Sarajevo i Izvještaja i preporuke Komisije za provođenje postupka javne nabavke robe: Headset slušalice i oprema za komunikaciju sa posadom zrakoplova, broj: 05-1-25-1-2240-24/25 od 29.12.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 5. sjednici, održanoj dana 08.01.2026. god., donosi

ODLUKU

I

Za nabavku robe: Headset slušalice i oprema za komunikaciju sa posadom zrakoplova, prihvata se ponuda ponuđača MIGROS d.o.o. Sarajevo, broj: 025-1102, zavedena na protokol Naručioca dana 23.12.2025. godine, pod brojem: 10-25-1-2240-16/25, u iznosu od: 25.000,00 KM (slovima: dvadesetpet hiljada KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

III

Po proteku žalbenog roka, a uz prethodnu dostavu dokumentacije iz tačke II, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi zaključenje ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Headset slušalice i oprema za komunikaciju sa posadom zrakoplova, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-2240-3/25 od 17.10.2025. god. Nakon provođenja postupka, isti je Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-2240-14/25 od 18.11.2025. godine, poništen, te je naloženo njegovo ponavljanje. U skladu sa tom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 04.12.2025. godine na portalu javnih nabavki objavilo obavještenje o nabavci, broj: 246-1-1-748-3-256/25, a Rješenjem, broj: 05-1-25-1-2240-15/25 od 15.12.2025. god., imenovana je i Komisija za provođenje postupka.

Do ostavljenog roka za predaju ponuda, 25.12.2025. god., na adresu Društva ponudu je dostavio jedan ponuđač, i to MIGROS d.o.o. Sarajevo. Na javnom otvaranju ponuda, održanom isti dan, pročitana je naziv ponuđača i ponuđena cijena od 25.000,00 KM, bez PDV-a. Nakon javnog otvaranja ponude, Komisija se sastala radi njene detaljne analize. Pregledom i analizom ponude utvrđeno je da je ponuda formalno-pravno, tehnički i računski ispravna, te prihvatljiva za Društvo. S obzirom da je zaprimljena samo jedna prihvatljiva ponuda, nije bilo uslova da se održi e-aukcija, koja je bila predviđena u ovom postupku javne nabavke, pa je Komisija predložila Upravi Društva da se ugovor za predmetnu nabavku, u vrijednosti od 25.000,00 KM, bez PDV-a, dodijeli ovom ponuđaču.

Uprava Društva je na svojoj 5. sjednici, održanoj dana 08.01.2026. god., razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponude;

DOSTAVLJENO:

1. Ponuđaču
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. a/a



v.d. DIREKTOR-a

Amadeo Mandić